

宋東京考卷之十一

嘉興石匏周 城緝

苑

瓊林苑

士在新所鄭門外俗呼為北西相對其中松柏森列百進

有花橫芬郁政和樓金碧苑東南有隅創築華觜寶岡高池塘柳

鎖虹橋花縈鳳舸又有月池梅
亭牡丹諸亭之類不可勝數

石林燕語

瓊林苑金明池宜春苑玉津園謂之四園

瓊林苑乾德中置太平興國中復鑿金明池於苑北
導金水河水注之以教神衛虎翼水軍習舟楫因為
水嬉宜春苑本秦悼王園因以皇城宜春舊苑改為

宋東京考

卷之十一

一

富國倉遂遷於此玉津園則五代之舊也今惟瓊林
金明最盛歲以二月開命士庶縱觀謂之開池至上
巳車駕臨幸畢即閉歲賜二府從官燕及進士聞喜
燕皆在其間金明水戰不復習而諸軍猶為鬼神戲
謂之早教玉津半以種麥每仲夏駕幸觀刈麥自仁
宗後亦不復講矣惟契丹賜射為故事宜春俗但稱
庶人園以秦王故也荒廢殆不復治祖宗不崇園池
之觀前代未有也

朝野類要 在京則賜及第進士宴於瓊林苑中興以
後就於貢院

文獻通考 元豐七年詔舊制薦新米麥之屬皆取於市今後宜令玉津瓊林宜春瑞聖諸園苑及金明池後苑供具其所無者乃索之雜買務

宋稗類鈔 潞公出鎮西京奉詔於瓊林苑燕餞從列皆預賦詩送行王禹玉時為內相詩云都門秋色滿旌旗祖帳容陪醉御卮功業迴高元祐日精神如破貝州時匣中寶劍騰霜鏢海上仙桃壓露枝昨日更聞褒詔下別刊名姓入周彝時以為警絕

山堂肆考 太平興國中親試禮部貢士四百九十七人於崇政殿始分三甲錫晏於瓊林苑進士及第一

宋東京考

卷十一

二

人授節度推官寵之以詩遂為定制帝謂侍臣曰朕親選多士殆若飢渴召見臨問觀其才伎而用之庶野無遺賢

宜春苑

有二號一在固子門外號西御園一在麗景門外東北號東御園初為晏進士之所每歲迎春

於此一名迎春苑後改為富國倉

宜春苑詩注 宜春苑在舊宋門外即東御園

山堂肆考 麗景門外有宜春苑宋人號東御園王安

石詩云宜春舊臺沼日暮一登臨解帶行蒼蘚移鞍坐綠陰樹疎啼鳥遠水靜落花深無復增修事君王惜費金

景華苑

在景龍門外與擷芳園東西相對徽宗時建

容齋四筆

崔德符坐元符上書邪黨困於崇寧後監

洛南稻田務嘗送客於會節園是時冬暮梅花已開
明年春監修大內闔官容佐取以為景華御苑德符
不知也至春晚復騎瘦馬與老兵遊園內坐梅下賦
詩其詞曰去年白玉花結子深枝間小憇藉清影低
顰啄微酸故人不可見春事今已闌繞樹尋履跡空
餘土花斑次日佐入園見地上馬糞知為德符是時
府官事佐如不及而德符未嘗謁之佐即具奏劾以
擅入御苑作踐有旨勒停

宋東京考

卷之十一

三

老學菴筆記 凌霄花未有不依木而能生者惟西京
富鄭公園中一株挺然燭立高四丈圍三尺餘花大
如杯旁無所附宣和初景華苑成移植於芳林殿前
畫圖進御

牧苑

在城北陳橋東北牧養馬駝牛羊之所

以上諸苑俱為金元兵燬失其故處矣

樓

望京樓

即汴城此西門樓也樓舊無名唐令狐綯句因名

寶津樓

在新鄭軍門外金明池內車駕登幸則諸軍呈演百戲於樓下

明月樓

在城內因其廢橋址為稅課司武

長慶樓

景在靈城內東端禮下街

紅翠樓

安在業城坊內

玉樓

狀元樓

新俱在東城北內

登雲樓

樓燕後王元儼所居俗有因呼為八大王樓

癸辛雜識

汴城樓閣最高而見存者惟相國寺資聖

閣朝元宮閣登雲樓資聖閣雄麗五簷滴水廬山五

百銅羅漢在焉國初曹翰所取者也朝元宮閣即舊

日上清儲祥宮移至者岌嶷半空登雲樓俗呼為八

大王樓又稱譚樓蓋初為燕王元儼所居後為巨璫

宋東京考

卷之十一

四

譚積有之其竒峻雄麗皆非東南所有也

和樂樓

名在城內舊莊樓

得勝樓

勝在城內得勝橋側

慶豐樓

西在城內隅

鐵屑樓

薛一作

楊樓

玉川樓

欣樂樓

潘樓

內以土上市五子樓俱在東西城

會仙樓

家在橋城北內雷

熙熙樓

條在甜水巷第三

豐樂樓

劉在子城內景明坊舊名樊樓汴京酒樓也徽宗建

樓之句

夢華錄

宣和間更脩三層相高五樓相向各有飛橋

欄檻明時相通珠簾繡額燈燭晃耀初開數日每先到者賞金旗過一兩夜則已元夜則每一瓦隴中各置蓮燈一盞內西樓禁人登眺以第一層下視禁中也

揮塵後錄

艮嶽成詔翰林學士王安中登豐樂樓望而賦詩云日邊高擁瑞雲深萬井喧闐已下臨金碧

宋東京考

卷之十一

五

樓臺雖禁籞烟霞岩洞却山林巍然適構千齡運仰止常傾四海心此地去天真尺五九霄歧路不容尋
宋稗類鈔 京師東華門外景明坊有酒樓人謂之樊樓或以為樓主之姓非也本商賈鬻饈於此後為酒樓因名饈樓一名白饈樓

胡樓

在西南薰門外

清風樓

在城內龍津橋西南都人夏月多乘涼於此

看牛樓

在門外望春

宜城樓

班樓

俱在街北秋

蜘蛛樓門在宋外

劉樓在宜秋橋下門外

八仙樓在東水外

集賢樓

蓮花樓俱在新鄭館外乃之官置河東陝西

晏賓樓在新鄭門右外

以上諸樓俱燬於金兵

退朝錄 京師街衢置鼓於小樓之上以警昏曉太宗

時命張公洎製坊名列牌於樓上按唐馬周始建議

置六街鼓號曰鼕鼕鼓惟兩京有之後北都亦有鼕

宋東京考 卷之十一 六

鼕鼓是則京都之制也二紀以來不聞街鼓之聲此

後金吾之職遂廢之矣

閣

資聖閣在府治東北相國寺內唐寶四載建閣上方有銅羅漢五百尊及佛牙等凡有齋供取旨開

都人夏月於此納涼所燬資聖薰風是也金季兵燬

癸辛雜識 資聖閣登雲樓覆壓歲久今其地低陷甚

多曾記佛書言山河大地凡為城邑宮闕樓觀塔廟

亦是緣業深重所致

鴻苞集 蔡魯公帥成都一日於藥市中遇一婦人多

髮如畫自稱毛女謂蔡曰三十年後相見言訖不知

所在蔡後以太師魯國公致仕居京師一日在資聖閣下納涼一村人自外入直至蔡前云毛女有書蔡接書其人忽不見啟封大書東明二字蔡不曉其意後貶長沙卒於東明寺因就叢焉

熙春閣

在景龍江擷芳園中政和三年建

研北雜誌

汴梁熙春閣舊名壺春堂徽宗稱道君時

居之在擷芳園中俗呼為八滴水閣汲郡王暉仲謀

有熙春閣遺制記

圓象徽調閣

政和六年方士王仔昔以九鼎神器不可藏於外議建閣於天章閣西賜名圓象

調徙九成宮鼎奉安改焉
肅為隆肅餘八鼎皆改焉

宋東京考

卷之十一

七

館

信陵館

在城內信陵君延士處

同文館

在閭闔門外西使臣安州巷建以待青唐高麗使臣之所

瞻雲館

在宜秋門外建以待諸番國使臣之所

班荆館

在封邱門外之東即陳橋驛改以待番使之所

玉照新志

陳橋驛在陳橋封邱二門之間唐為上元

驛朱全忠縱火欲害李克用之所也後改班荆館為

虜使迎餞之所至宣和五年因曾讜一建言遂命羽

流居之錫號曰鴻烈觀俶擾之後又不知如何耳

禮賓館

舊名番譯院在金梁橋南汴河南岸建以待
紇于闐使臣之所景德三年又改為禮賓院

柳林館遊在城東所後淪於水都人

以上諸館俱燬於金兵

門

夷門在安遠門內

水經注 漢文帝封孝王於梁孝王以土地下濕東都

睢陽自是置縣以大梁城廣居其東城夷門之東夷門即侯嬴抱關處也

史記 大梁城有十二門東門曰夷門魏有隱士侯嬴年七十家貧為夷門抱關者為公子無忌畫計厚遺之不受

宋東京考

卷之十一

八

賔退錄 侯嬴為夷門監者按大梁城門東曰夷門則夷門者乃大梁之一門耳後人遂直指汴京為夷門非也

林水錄 郭緣生曾遊北邑踐夷門升吹臺終古之迹

緬焉盡在

高門在廢久子至門外西北二里即梁惠王故城之門也

沙門在城西東和保沙積

小陡門在城西北永安保疊

亭

倉垣亭在廢城東北二十

信陵亭

一符名中公子亭在府治東北相國寺前大中

太平御覽

圖經曰浚儀有信陵亭在城內即魏國公

子無忌勝概之地

博浪亭

士在擊城北三十里一云在博浪城漢張良令

新亭

在楚城內唐汴州刺史令

看街亭

行在南薰門內東南車駕

汴河亭

在汴

大梁亭

在西北秋門

迎曙亭

在後苑中

鼂氏雜說

仁宗時作亭名曰迎曙已乃悟為英宗名

宋東京考

卷之十一

九

改之曰迎旭又以為未安復改曰迎恩皆符英宗御名也

延漏錄

仁宗晚年不豫漸復康平忽一日命宮嬪妃

主遊後苑乘小輦東向欲登城堞遙見小亭榜曰迎

曙帝不悅即時回輦翼日上仙而英宗登極蓋曙字

乃英宗御名也

二說互異未孰是

蝦蟆亭

在金門明池內

流盃亭

在城北隅內

以上諸亭俱廢久無存

堂

明堂

徽宗政和五年八月詔立明堂於大內之丙地徙秘書省於宣德門之東以其地為之

文獻通考

蔡攸言明堂五門廊廡蓋以素瓦而門堂

則以瑠璃其地則隨所向而砌以五色之石欄楯柱端以銅為辟邪之象而飾以五方所向之色八窻八柱則以青黃錄相間堂室柱門欄楯並以丹艸塗之堂為三級每級崇三尺共為一筵改火珠為雲龍之象階庭植松梓檜之木宮門不設戟而殿隅並垂鈴云詔以玄堂犯聖祖之諱取平在朔易之義改為平朔門亦如之仍改敷佑門曰左敷佑左承天門曰右敷佑承天門曰平秩更衣大次曰齋明殿其明堂青

宋東京考

卷之十一

十

陽總章平朔太室五門並御書榜之

資治通鑑 元豐間禮官以明堂寓大慶殿別請建立以盡嚴奉而未暇講求政和五年內出圖式宣示於崇政殿且以明堂宜正臨丙方近東以據福德之地乃徙祕書省於宣德門東而以省地營之命蔡京為明堂使開局興工日役萬人

繼聖堂

在府治東太宗習射之所後廢

東京記 太宗尹京日宮署東建堂習射大中祥符二年閏二月真宗臨幸宰臣請以繼聖為名許之

講武堂

太宗太平興國二年將伐太原詔築講武堂於西郊九月大閱上與從官登而觀焉

資善堂

仁宗肄業之所也在城內元符觀南大

海錄碎事

大中祥符九年二月詔皇子就學新堂宜以資善為名

東都事略

天禧四年詔中書樞密院及諸司非大事並委皇太子資善堂裁處以聞

燕翼詒謀錄

大中祥符八年仁宗封壽春郡王以張士遜崔遵度為友講學之所為資善堂此資善之名所由始也自後元良就學之所皆曰資善

石林燕語

仁宗初為皇太子宰相丁謂馮拯兼少師少傅樞使曹利用兼少保參政王曾樞副錢惟演兼

宋東京考

卷之十一

十一

賓客謂等因請師傅十日一赴資善堂賓客以下隻日互陪侍講學從之

繼照堂

即府治正廳聽事之所也

隣幾雜志

學士周起知開封府聽斷明審庭無留事以真宗判南衙聽事之所為繼照堂奏云陛下昔日居此臣不敢坐自爾遂空不復居焉

迎端堂

哲宗創建退繹萬幾之所也

萊公雜說

哲宗朝常創一堂退釋萬幾學士進名皆不可意乃自制曰迎端意謂迎事端而治之未幾徽宗由端邸即大位

梅花堂

後在府也治正廳之後即所謂明堂

癸辛雜識

開封府後衙有蠟梅一株人以為竒遂創

梅花堂北人言河北惟懷孟二州號小江南蓋太行障其後寒稍殺地暖故有梅且山水清邃似江南云

汴京遺蹟志

今開封府猶稱古南衙其後堂稱梅花

堂皆襲宋之舊也

拱奎堂

在府治內錢藻尹開封時建後廢

清虛堂

在城內東南隅王鞏建蘇軾有記後廢

三槐堂

在望春門外兵部侍郎王祐手植三槐於庭曰吾子孫必有為三公者其後子旦果相真宗遂

號三槐王氏因扁其堂曰三槐金季兵燬

宋東京考

卷之十一

十二

東都事略

旦少好學父祐器之嘗手植三槐於庭曰

吾之後必有為三公者真宗即位旦為翰林學士嘗奏事下殿真宗目送之曰與朕治平天下必此人也

是年遂除同知樞密院事

石林燕語

太祖與符彥卿有舊嘗推其善用兵知大

名十餘年有告以謀叛者亟徙之鳳翔而以王晉公祐為代且委以密訪其事戒曰得實當以趙普所居

位命汝面授旨徑使上道且謂祐曰此卿故鄉所謂晝錦者也祐到彼察知其妄數月無所聞驛召面問

因力為辨曰臣請以百口保之太祖不樂徙祐知襄

州彥卿竟亦無他後祜創居第於曹門外手植三槐於庭曰吾雖不為趙普後世子孫必有登三公者已而魏公果為太保歐陽文忠作王魏公神道碑略載此語而國史本傳不書余嘗親至其家聞其子弟言之

文正公遺事 先晉公知公遠大嘗語人曰此兒異日必至公輔因手植三槐於庭以為識其槐今老蔭茂可愛

尚友錄 王祜字景叔太祖命使魏州曰卿還當與王溥官職及還得謫或戲之曰意公作王溥官職矣曰

宋東京考

卷之十一

十三

祜不做兒子二郎必做手植三槐於庭曰吾子孫必有為三公者天下謂之三槐王氏

函史 王旦字子明大名莘人也父祜事太祖為知制誥符彥卿鎮大名頗不治太祖命祜行察之以百口保其無他且曰五代之世多猜忌殺無辜故享國不永願以為戒太祖深納之又嘗按獄全活數百人因罷官歸手樹三槐於庭曰吾後世必有為三公者此所以志也

東坡集 銘曰嗚呼休哉魏公之業與槐俱萌封植之勤必世乃成既相真宗四方砥平歸視其家槐陰滿

庭吾儕小人朝不及夕相時射利違恤厥德庶幾僥倖不種而穫不有君子其何能國王城之東晉公所廬鬱鬱三槐惟德之符嗚呼休哉

桂籍堂

在太學內

山堂肆考

太平興國中進士中第賜題名於桂籍堂

此題名之始唐人題名於慈恩寺乃進士自題也

九龍堂

在城西南隅景福坊大中祥符四年賜名普濟堂皇祐三年詔令修葺訛傳池水能愈疾都人

日赴不可勝計乃塞其池後廢

三聖堂

在宜秋門外百步許即都亭西驛者以待西番大

士義勇武安王之清源妙道真君也末按兵廢明洪武初亭西驛在寶相寺之東相對都城元末兵廢明洪武初亭

宋東京考

卷之十一

十四

周藩即其舊址仍創立廟宇乃移白瓦廠之神祀之於內其三聖之像仍舊不改景泰中居民甄義等率衆

重修廢未復

寶籙堂

在金梁橋西南徽宗建為曹仙姑所菴明處後姑在化去遂為女冠所居又名曹仙姑菴明處後

三十二年黃河入城渰沒圯壞有編修鄭昂祠二碑移置延慶觀內今亦無存矣

宅

禮賢宅

建隆初吳越王俶貢奉加常帝亦厚賚之命有司造大第於南宮城太學東連巨數坊名禮

賢宅開寶八年來朝詔賜居之

宣和書譜

開寶八年朝廷將舉兵平江左李煜密貽

書於俶曰今日無我明日豈有王一旦明天子易位

酬勞王亦大梁一布衣耳俶表其書來上藝祖嘉其

忠江南平與其子惟濬妻孫氏來朝藝祖遣皇子至
睢陽迎勞對見禮皆從異等賜禮賢宅以館之而宅
之締構宏壯供帳什物種種畢具俶至如歸焉

楓窓小牘 余邸寓於錢氏之舊鄉蒼山碧樹想見衣
錦風烟因念昔家京邑每過南宮城太學左方禮賢
宅未嘗不欽仰忠懿之賢雖喬木垂楊朱門雕砌宛
若猶在而於時子姓貧寒至有衣食不周者嘗讀兩
朝供奉錄太祖太宗雖所賜優異然忠懿歸國之初
舉朝文武闔寺皆有餽遺蓋有國已來所積一空矣
函史 太祖開寶中吳越王俶來朝賜禮賢宅以居親
宋東京考 卷之十一 十五

幸晏之命與晉王為昆弟封其妻孫氏為王妃

睦親宅

即玉清昭應宮舊址也景祐二年仁宗以皇族
散處都城或睽燕集詔以玉清昭應宮舊址作

睦親宅
以處之

東都事略 仁宗建睦親宅乃命知大宗正寺宗子有
好學趨義則褒勉委曲進之於善若不率教始勸諭
之又糾戒之至不悛則正其罪而上聞故人人莫不
畏愛而心服

慶曆五年三月己未詔大宗正寺曰朕思古之人君
莫不厚親戚以輔王室治邦家而化天下宋興八十
餘載宗室蕃衍宜令睦親宅諸院教授官課經典文

詞以聞

神宗實錄 吳申字景山英宗擇官教導宗室以為睦親宅都講初宗室坐序爵仍自為賓主講官位主席之東隅申不肯坐且曰宗室當以親族尊卑為序若講官分賓主至再移書太宗正宗正不能決因內朝出二書英宗是之宗室正講席自申始

彙書詳註 至道元年太宗將為皇姪等置師傅執政謂環衛之官非親王比當有等降乃以教授為名咸平初遂命諸王府官分兼南北宅教授南宅者太祖太宗諸王之子孫處之所謂睦親宅也北宅者魏悼宋東京考

卷之十一

十六

王子孫處之所謂廣親宅也

蕃衍宅

在天波門西藥市橋街徽宗諸王居之

王魯公宅

在宮城北隅泰寧坊即樞密使王德用居第

編年錄 德用狀貌雄毅面黑而頸以下白皙人皆異之其第在泰寧坊直宮城北隅開封府推官蘇紳嘗疏德用宅枕乾岡貌類藝祖帝匿其疏不下御史中丞孔道輔繼言之語與紳同且謂德用得志不冝又典機密罷為武寧軍節度使赴本鎮德用尋以居第獻詔隸芳林園給其直

丁晉公宅

在保康門外水櫃街即宰相丁謂居第

野客叢談 丁晉公謂治第保康門外楊景宗時以役
夫荷土築基丁後籍沒而景宗貴即以其宅賜之其
正寢乃向日所築之地也景宗章睿
太后弟也
初潭集 唐待制肅與丁晉公為友宅又相對丁將有
諧弼之命唐遂遷居州北或問之對曰謂之入則大
拜數與往還事涉依附經旬不見情必猜疑故謹避
之